

**Broj:** 09-11-3-1672-4/20  
**Mostar,** 30.11.2020. godine

Na osnovu člana 64. stav (1) tačka b) najniža cijena, člana 70. stav (1), (3) i (6) Zakona o javnim nabavkama ("Službeni glasnik BiH", broj 39/14), na Preporuku Stalne komisije za javne nabavke broj: 09-11-3-1672-3/20 od 30.11.2020. godine u konkurentskom postupaku za javnu nabavku računara i računarske opreme - Oznaka i naziv iz JRJN: 30230000-0 - Računarska oprema, ministar Federalnog ministarstva energije, rudarstva i industrije, donosi

## **O D L U K U**

**o izboru najpovoljnijeg ponuđača za javnu nabavku računara i računarske opreme – oznaka i naziv iz JRJN – 30230000-0 - Računarska oprema**

### **Član 1.**

Prihvata se preporuka Stalne komisije za javne nabavke (u daljem tekstu: Komisija), broj 09-11-3-1672-3/20 od 30.11.2020. godine, te se Ugovor za javnu nabavku računara i računarske opreme – oznaka i naziv iz JRJN - 30230000-0 – Računarska oprema dodjeljuje ponuđaču „NET“ d.o.o. Mostar, sa sjedištem na adresi Vukovarska 24, 88 000 Mostar, ponuda broj 03-190-20 od 10.11.2020. godine, za konačnu ponuđenu cijenu od 13.593,00 KM bez PDV-a, kao najbolje ocijenjena ponuda.

### **Član 2.**

Prijedlog ugovora o nabavci dostaviti će se na potpis izabranom ponuđaču „NET“ d.o.o. Mostar, po isteku roka od 10 dana računajući od dana kada su svi ponuđači obavješteni o izboru najpovoljnije ponude.

### **Član 3.**

Za izvršenje ove odluke zadužuje se Služba za finansijsko - računovodstvene poslove.

### **Član 4.**

Ova odluka objavit će se na web-stranici [www.fmeri.gov.ba](http://www.fmeri.gov.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke računara i računarske opreme - Oznaka i naziv iz JRJN: 30230000-0 – Računarska oprema, broj 09-11-3-1672/20 od 16.10.2020. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke je 13.594,00 KM bez PDV-a.

Obavještenje o nabavci broj 1380-7-1-24-3-15/20 poslano je na objavu dana 28.10.2020. godine.

Dana 30.11.2020. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku računara i računarske opreme - Oznaka i naziv iz JRJN: 30230000-0 – Računarska oprema.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da je blagovremeno pristigla jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača „NET“ d.o.o. Mostar prihvatljiva, jer ispunjava uslove za kvalifikaciju, propisane tenderskom dokumentacijom.

E-aukcija nije zakazivana, jer je zaprimljena jedna prihvatljiva ponuda.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te pregled i ocjenu prispjele ponude, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „NET“ d.o.o. Mostar izabran primjenjujući kriterij najniže cijene koja je ponuđena u iznosu od 13.593,00 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama, odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

### DOSTAVITI:

- „NET“ d.o.o. Mostar
- evidenciji
- a/a

  
MINISTAR  
Nermin Džindić